



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

§. II. Statuitur prima conclusio,

[urn:nbn:de:hbz:466:1-77146](#)

DISPUTATIO NONA

390

*erialibus sumitur duplicitate: primò prout idem est ac affectus quæ terminat insecuritatem; quod enim insequentes tandem attingimus, dicimus comprehendere: secundo pro continentia sive inclusione totali unius quanti intra aliud, adeo ut undequaque terminis ipsius claudatur. Similiter ergo in rebus spiritualibus comprehensio sumitur duplicitate, ut notat D. Thomas supræ quest. 12. art. 7. ad 1. primò pro affectu, obtentione, & possessione illius quod appetebatur; in quo sensu visio beata dicitur comprehensio, & ab ea Beati appellantur comprehensores: secundo pro adæquatione qua spiritualis aliqua operatio, putat intellectio, adæquat aliquod objectum, attingendo illud, quantum attingibile est, & in hoc sensu sumitur in praesenti.

58 Suppono secundò contra Vazquez, Angelos superiores comprehendere inferiores. Probatur breviter: Quilibet Angelus seipsum comprehendit, utpote cum habeat vim intelligendi sua naturæ proportionatam, ejusque intellectualitas illius intelligibilitatem adæquet: Ergo cum Angelus alteri superiori, vim intelligendi perfectioris habeat, quam inferior, sicut & nobiliorem naturam, à fortiori inferior comprehendendi poterit à superiori. Difficultas ergo solùm restat, an Angelos inferiores comprehendere superiores? in cuius resolutione tres sunt sententiae.

Prima sententia absolute affirmat Angelum inferiorem comprehendere superiorem. Ita Bannez supra quest. 16. art. 2. & Salmantenses hic disp. 6. dubio 3. Secunda, quam docent Nazarius, Marcus à Serra, & alii, id absolute negat. Tertia est media, quam sequitur Joannes a S. Thoma, ponens Angelos inferiores, ex vi solius propriæ virtutis intellectivæ, non comprehendere superioras; quanvis eos de facto comprehendant, quia lumen naturale ipsorum pertinet & roboratur per illuminationem superiorum.

§. II.

Statuitur prima conclusio.

59 **D**ico primò, Angelum inferiorem, ex vi solo virtutis naturalis sui intellectus, non comprehendere superiorem.

Probatur primò conclusio ratione fundamentali. Ad comprehensionem requiritur ut objectum tam perfectè cognoscatur, quantum ex propria natura cognoscibile est. Sed Angelus inferior non cognoscit superiorem modo: Ergo ipsum non comprehendit. Major est certa, nam ut ait D. Thomas in 4. dist. 49. quest. 2. art. 3. Tunc dicitur aliquid per cognitionem comprehendere, quando cognitum stat sub actu virtutis cognoscitive, & non excedit ipsum. Minor vero probatur primò ex eodem S. Doctore 2. contra Gent. cap. 98. ubi addimit hanc propositionem ex libro de causis: Substantia separata inferior, cognoscit superiorem secundum modum substantie cognoscens, non secundum modum substantie cognita, sed inferiori modo. Et libro de causis lectione 8. circa finem, loquens de intelligentia, inquit: Superiora cognoscit per modum substantie sue, inferiori modo quam res superior sit in seipsa: Ergo ex D. Thoma Angelus inferior non cognoscit superiorem tam perfectè, quantum ex propria natura cognoscibilis est.

Secundò probatur eadem Minor ratione: Angelus superior ex sua natura est cognoscibilis suæ propriæ cognitione: Sed inferior non potest il-

A lum tam perfectè cognitione cognoscere; cum non adæquet illum in vi intellectiva, sicut nec in immaterialitate & perfectione naturæ. Ergo idem quod prius.

Tertiò eadem Minor suadetur ab inconvenienti: Si enim Angelus inferior tam perfectè cognoscet superiorem, quam superior a seipso cognoscitur, & quam ex natura sua cognoscibilis est, Angelus superior non cognoscet perfectius Deum, cognitione naturali, quam inferior; subindeque non esset illo beatior, beatitudine naturali: Sed hoc non debet admitti: Ergo nec illud. Minor patet, Sequela vero Majoris probatur. Non potest dari perfectior cognitio Dei effectibus naturæ, quam sit illa qua est comprehensiva ejusmodi effectuum. Sed si Angelus inferior semel comprehendat propriæ virtutis Angelum superiore, comprehendet etiam in vi præsénti talia virtutis quilibet alium effectum naturæ, ut concedunt Adverfarii: Ergo nulla ex effectibus dari poterit cognitione perfectiori tali cognitione inferioris Angelis, sicut ex illis effectibus non cognoscet Angelus superior perfectius Deum, virtute propria, quam ipsum cognoscat Angelus inferior.

Confirmatur & magis illustratur hec ratio principalis. Ad comprehensionem requiritur perfecta adæquatio cognoscens cum cognoscibili adeo ut tanta sit vis cognoscitiva cognoscendi, quanta cognoscibilis objecti: Sed Angelis inferiores non adæquant perfectè cognoscibilitem superiorum. Ergo nec eos comprehendunt. Major patet ex prima suppositione, Minor vero probatur. Intantum aliquid est cognoscibile in quantum est actu, unde quod non adæquat aliquid rei actualitatem, non adæquat etiam eam ipsius cognoscibilitem: Sed Angelis inferiores non adæquant actualitatem superiorum: Ergo nullorum cognoscibilitem. Minor quamvis faciens, adhuc probatur: quia in tantum aliquid est perfectum, in quantum est in actu; subindeque quod non adæquat aliquid perfectionem, non adæquat etiam eius actualitatem: constat vero Angelum inferiorem non adæquare perfectionem superioris, cum distinguantur species, & species se habeant velluti numeri, quorum unus excedit alium, aut ab illo exceditur: Ergo Angelis inferiores non adæquant perfectè cognoscibilitem superiorum.

Respondent Bannez & Salmantenses, omnes Angelos esse æquales in intelligibilitate & adabilitate, secundum gradum, qui consistit in elevatione supra materiam: dicente omnimodum independentiam ab illa, tanquam à subiecto & ab objecto; & hoc sufficere ad comprehensionem, non obstante inaequalitate quam habent in modo habendis gradum illum; sive in ratione specifica: quia excedens secundum rationem specificam se habet materialiter.

Sed contra: Per intelligibilitatem secundum gradum non redditur intelligibilis tota entitas Angelis: Ergo ut inferiores comprehendant superiores, non sufficit quod adæquent eorum intelligibilitatem, secundum gradum & rationem genericam, sed requiritur adæquatio secundum rationem specificam. Consequens est evidens: quia comprehensionis debet adæquare intelligibilitatem quæ reddat totam rei entitatem intelligibilem, alias non adæquare totam rei entitatem. Antecedens vero probatur: Intelligibilitas sequitur entitatem per modum passionis; unde non

magis

magis extenditur quam ipsa entitas: Ergo impossibile est quod intelligibilitas que consequitur ad gradum immaterialitatis, omnibus Angelis communem, reddat totam cuiuslibet Angeli entitatem intelligibilem.

Secundo probatur conclusio: Non potest Angelus inferior comprehendere superiorem, nisi comprehendat etiam species ejus intelligibles: Sed Angelus inferior non comprehendit species intelligibles Angelii superioris. Ergo nec ipsum comprehendit. Minor est formaliter D. Thomæ quath. 16. de malo, art. 8 ubi sic habet: *Vnusquisque intellectus alter se habet ad species intelligibiles proprias intellectus, & alter ad species inferioris intellectus: nam species intelligibiles superioris intellectus sunt universales, & ideo non possunt comprehendendi per species intelligibiles inferioris intellectus.*

Probatur etiam eadem Minor ratione. Vel Angelus inferior cognoscet speciem quæ Angelii superiori representat omnia sibi inferiora, primum speciem, per unam cognitionem, & per unum verbum, vel per plures species, plures coniunctiones, & pluraverba: Neutrū dici potest: *Igo &c. Prima pars Minoris patet: quia si primum speciem Angelii superioris inferior Angelus cognoscet per unam speciem &c. jam species intellectus Angelii inferioris essent æquè universa illarum species impressæ & expressæ Angelii superioris, quod tamen esse falso constat ex dictis distinctionibus precedentibus. Secunda vero pars probatur: Quando res aliqua cum omnibus ad eam resonibus cognoscitur, non simul, sed sigmoidi, & per partes, non potest dici comprehendendi; sicut in rebus corporeis non potest corporis pars dicere comprehendere aliquem liquorum, si possit tantum seorsim & per partes conciliari, quando autem Angelus inferior per omnes cognitiones cognoscet totam speciem Angelioris, non cognoscet eam nisi velut per partem: Ergo illam non comprehendet.*

D Major vero, quod scilicet Angelus inferior non possit comprehendere superiorem, nisi cum comprehendat species ejus intelligibles, probatur primo, arguento ad hominem, contra adversarios. Contra Bannem quidem, quia ipse tunc quod species Angelii sunt proprietates ipsius; unde cum ad comprehensionem essentiarum sit comprehendendi ejus proprietates; si quod illæ radicaliter continentur in essentia, non potest Angelus inferior comprehendere suam, nisi tam possit ejus species comprehendere.

Contra Salmanticenses vero probatur eadem Major: Ratio propter quam ipsi ex D. Thoma docunt, Angelum inferiorem comprehensivè cognoscere superiorem, est quia assurunt quemlibet Angelum debere comprehendere omne ens naturale; totumque universum esse objectum sufficienter proportionatum cuilibet substantiæ nuellequali complexe, ad hoc ut ab ipsa comprehendatur. Atqui species angelicæ pertinent ad ens naturale, cum sint accidentia connatae principiarum partium universi: Ergo si Angelus inferior possit comprehendere substantiam Angelii superioris, poterit etiam ejus species comprehendere.

Secundo probatur eadem Major ratione. Angelus potest comprehendere omne illud quod non habet magis de intelligibilitate, quam ipse de intellectualitate. Sed si Angelus inferior com-

prehenderet superiorem, species superioris non haberent magis de intelligibilitate, quam inferior de intellectualitate; quia species non sunt magis intelligibiles quam substantia vel intellectus cui sunt connaturales, substantia vero Angelii superioris non esset magis intelligibilis, quam substantia inferioris esset intellectualis, si ab ipso comprehendetur, cum comprehensio (ut supra dicebamus) essentialiter consistat in adequatione virtutis intellectualis potentie cognitionis cum intelligibilitate objecti: Ergo si Angelus inferior comprehendenteret superiorem, ejus etiam species comprehendenteret.

Huic argumento duobus modis respondent Salmanticenses. In primis negant Majorem: ad cuius primam probationem ex plurorum principiis defumptam, dicunt nomine entis naturalis, quod volunt posse comprehendendi a quocumque intellectu angelico, intellegi ens naturale sub modo essendi entitativo, non vero sub modo essendi intentionali seu intelligibili: unde cum substantia Angelii superioris, sub modo essendi entitativo continetur, ejus vero species ad modum essendi intelligibilem pertineant; ex eo quod quilibet Angelus totum ordinem naturæ comprehendat, solum potest inferri. Angelum inferiorem substantiam Angelii superioris, non vero ejus species comprehendere. Ad secundam vero probationem dicunt esse disparitatem inter substantiam Angelii superioris, & ejus species: sicut enim Angelii superioris habet omnes conditiones requiritas ad hoc ut comprehendatur ab inferiori, cum tamen speciei intelligibili Angelii superioris deficit una conditio, nempe quod sit cognoscibilis per unicam cognitionem ab inferiori.

Hacten facile possunt confutari. Primum quidem: quia nomine entis naturalis, quod Adversarii volunt debere comprehendendi ab intellectu cuiuslibet Angelii, non solum intelligitur ens naturale materiale, & non intelligibile in actu, sed

etiam immateriale & in actu intelligibile: Ergo species deservientes intellectuali natura, & tendentes objectum actu intelligibile pertinebunt ad ordinem entis naturalis, & erunt objectum comprehensionis angelicæ, tanquam aliquid pertinens ad naturam intellectualem, & intelligentiæ deserviens. Alterum vero: quia in hoc videtur esse manifesta repugnantia, quod scilicet species Angelii superioris non possit unico actu & unica specie adæquate ab Angelo inferiori cognosci, bene tamen ejus intellectus & substantia: nam tota ratio, cur species intellectus Angelii superioris non possit ab Angelo inferiori unico actu & unicâ specie adæquate attingi, est quia est universalior quam species intellectus Angelii inferioris, ut docet D. Thomas loco supra relato ex questione 16. de malo: Atqui similiter intellectus superioris Angelii est universalior intellectu Angelii inferioris; utpote cum uterque debeat proportionari propriis speciebus: Ergo &c.

Addo quod essentia cognitionis comprehensionis cōsistit in adequatione intellectualis potentie, cum intelligibilitate objecti: unde illa adequatione semel posita, debet adesse omnes conditiones necessariae ad comprehensionem; sicut positâ rationalitate, necessario ponuntur omnia requirita ab esse hominis. Vel ergo intellectus Angelii inferioris adæquat intelligibilitatem & immaterialitatem speciei Angelii superioris, vel non? Si primum: Ergo habet omnia necessaria ut ipsam comprehendat. Si secundum: Ergo non

non adaequabit etiam intelligibilitatem substantię Angelii superioris; utpote quæ non est minor quam intelligibilitas speciei ejusdem: Ergo non comprehendet substantiam Angelii superioris.

46. Respondent secundò Salmantenses: datâ Majori principalis argumenti, negando Minorum, quæ assertor quod Angelus inferior non comprehensit species Angelii superioris Ad te sumrum verò D. Thomæ, quod aperte militare videtur in contrarium, dicunt illum ibi non loqui de speciebus Angelii superioris, & speciebus inferioris, inter se collatis, sed de speciebus intellectus humani, collatis cum speciebus intellectus Angelici.

Sed hæc explicatio menti S. Doctoris repugnare videtur: quia D. Thomas, ad probandum quod Angelus potest cognoscere species intellectus humani, præmititur propositionem generalē, & ait quod unusquisque intellectus potest comprehendere species intellectus inferioris, nō verò superioris: Ergo illa propositio ex qua deducit intentum, non intelligitur solum de speciebus intellectus humani, collatis cum speciebus intellectus Angelici, alias probaret idem per idem: sed hæc probatio D. Thomæ, ut sit efficax, debet resolvi in hoc universale principium intellectus superior differt ab inferiori in eo quod species illius sunt universaliores speciebus istius & idèo illæ possunt illas comprehendere.

§. III.

Secunda conclusio fidelitatis.

47. Dico secundò: Supervenientē illuminatione Angelii inferioris facta à superiori, potest inferior superiorē comprehendere, imperfecte tamen. Probatur: Angelus superior per illuminationem manifestat se inferiori quod ad omnes perfectiones & modos sibi convenientes, & quod ipse majori cum claritate & magis unitate cognoscit, dividit, ac multiplicat, siue accommodat ad captum inferiori, ut hic secundum modum suū illud percipiat, ut latius exponamus infra, quando agemus de illuminatione Angelorum: Sed hoc sufficit ut superior imperfecte comprehendere possit ab inferiori: Ergo Angelus inferior ex fortificatione & illuminatione superioris aliquo modo comprehendit superiorē. Minor probatur: Ad imperfectam comprehensionem sufficit, quod nihil sit in re cognita quod non manifestetur, & quod cognoscens attingat omnes modos eius & perfectiones, licet ex parte modi cognoscendi sit diversitas: Ergo ad imperfectam comprehensionem Angelii superioris, sufficit quod superior Angelus illuminet inferiori, ut easdem res cognoscat inferior, quas cognoscit superior. licet superior semper eminentius cognoscat, & diverso modo se tenente ex parte cognoscens.

48. Dices: Angelus inferior non habet virtutem intelligendi adequarem intelligibilitatem superioris, nec per illuminationem recipit lumen aliquod à superiori: Ergo non potest illum comprehendere, quamvis ab eo illuminetur.

Respondeo quod quamvis aliquid objectum sit excessens, respectu alicuius virtutis intellective, si tamen applicatur illi, hoc proprio illius modo, induit quodammodo rationem objecti proportionati; sicut patet de ipsiusmet Angelis, qui quamvis exceedant vim nostræ intellectus, pro hoc statu, ut tamen illi applicantur ad modum quiditatis materialis, induunt rationem objecti pro-

A portionati ipsius. Quamvis ergo Angelii superioris excedant vim intelligendi inferiorum; si tamen inferioribus applicentur, juxta modum & captum ipiorum, induunt rationem objecti proportionati, & sic poterunt ab inferioribus comprehendendi: quamvis illa comprehensio, ut dixi, si valde imperfecta; quia, ut supra vidimus, adversus & rigorosam comprehensionem requiri, ut vis intelligendi in cognoscente, adaequat intelligibilitatem objecti, & cognoscat ipsum, quantum cognoscibile est. Quare D. Thomas supra quæst. 12. art. 7. sic ait: illud comprehendetur quod perfide cognoscitur: perfide autem cognoscitur, quod tantum cognoscitur quantum est cognoscibile. Vnde si id quod est cognoscibile per scientiam demonstrativam, opinione teneatur ex aliqua ratione probabili concepta, non comprehenditur.

§. IV.

Convelluntur fundamenta adverse sententia.

Obijiciunt in primis Adversari quædam, Thomæ testimonia, Nam S. Doctor contra Gentes cap. 98. sic ait: Ex his quid fabulantia aliqua est intellectualis, comprehensio totius entis. Ex quo infert, quod Angelus debet habere species intelligibiles, quibus totum est cognoscitur. Et cap. 99. dicit quod intellectus Angelii habet virtutem comprehendendi omnes species & differentias entis.

Respondeo D. Thomam, nomine comprehensionis, intelligere comprehensionem non sit sumptam, sed largè, prout idem est ac apprehensio. Quod colligo primum, quia in primo loco dicit aliquam substantiam esse comprehensionem totius entis, non ex eo quod est intellectus completa, & à materia omnino, hoc est tam alii quam aptitudine, separata, sed ex eo quod est intellectus: Ergo loquitur de comprehensione totius entis, que potest etiam convenire anima rationali: Sed hæc non est comprehensionis stricta sumpta, ut patet. Ergo D. Thomas non loquitur de comprehensione strictè sumpia. Secundò, quia in illis locis Divus Thomas solum intendit probare, quod Angelus cognoscat alias substantias spirituales, & etiam materiales, per species sibi supperadditas, unde etiam ibidem modo utitur nomine cognitionis, modo nomine comprehensionis.

Addo quod, sicut Adversari S. Doctorem, assertentem Angelum comprehendere totum entem, glossant de ente naturali ordinis, inò & ordinis entitativi, prout distinguuntur ab intelligibili, ut supra vidimus; ita nobis licet glostare de ente quod sit inferior ad Angelum cognoscendum; velut D. Thomam loqui de comprehensione strictè sumpia.

Obijiciunt secundò: Ad hoc ut Angelus inferior habeat cognitionem comprehensionem superioris sufficit quod per eam attingantur omnia que in Angelo superiori formaliter & eminenter continentur: Atqui cognitione quam habet Angelus inferior de superiori, præcisè ex vi propriæ virtutis intellectivæ, est ejusmodi: Ergo est comprehensiva. Maior videtur certa: In illo siquidem ea cognitione adaequat objectum cognitionis, quod sufficit ad hoc ut sit comprehensionis illius. Minore vero probatur: Evidenter superioris Angelii, omnes modi in ea formalitate existentes, & cuncta eminenter in ipsa contenta, sunt objecta proportionata.